

**Риёзус солиҳийн шарҳи / Ҳаё ва унинг фазилати ҳамда у билан
хулқланишга одатланмоққа тарғиб қилиш ҳақида / 1285-ҳадис**

1285 - وَعَنْ أُمِّ عُمَارَةَ الْأَنْصَارِيِّ رَضِيَ اللَّهُ عَنْهَا: أَنَّ النَّبِيَّ صَلَّى اللَّهُ عَلَيْهِ وَسَلَّمَ دَخَلَ عَلَيْهَا،
فَقَدَّمَتْ إِلَيْهِ طَعَامًا، فَقَالَ: «كُلِي» فَقَالَتْ: إِنِّي صَائِمَةٌ، فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ:
«إِنَّ الصَّائِمَ تُصَلِّيَ عَلَيْهِ الْمَلَائِكَةُ إِذَا أَكَلَ عِنْدَهُ حَتَّى يَفْرُغُوا». وَزَيْمًا قَالَ: «حَتَّى يَشْبَعُوا». رَوَاهُ
الترمذِيُّ وَقَالَ: حَدِيثٌ حَسَنٌ [785].

1285. Умму Умора Ансория розияллоху анҳодан ривоят қилинади:

«Набий соллаллоху алайҳи васаллам бу саҳобия ҳузурига киргандилар, у зотга таом тортиқ қилди. У зот: «Ўзинг ҳам егин», дегандилар, у: «Мен рўзадорман», деди. Шунда Расулуллоҳ соллаллоху алайҳи васаллам: «Рўза тутган қайси одамнинг олдида бошқалар овқатланса, то еб тугатгунларича (ёки тўйгунларича) фаришталар рўзадор ҳаққига дуода бўлади», дедилар.

Имом Термизий ривоят қилиб, ҳасан ҳадис, дедилар.

Шарҳ: Ушбу ҳадисда нафл рўза ҳақида сўз кетаётгани шубҳасиз. Мусулмон инсон нафл рўза тутган бўлсаю унинг ҳузурига оғзи очиқ кишилар таом еса, у эса сабр қилиб рўзасини давом эттирсин, фаришталарнинг салавотига эришар экан. Бу нафл рўза тутиб, уни очиб юбормай охиригача етказадиган кишилар учун улкан башоратдир.

Манба: hadis.islom.uz



